

بسم الله الرحمن الرحيم

الحمد لله رب العالمين والصلاة والسلام على أشرف المرسلين سيدنا محمد صلى الله عليه وعلى آله وصحبه وسلم ثم أما بعد

قال رسول الله صلى الله عليه وسلم

نضر الله امرا سمع منا حديثا فبلغه غيره ، فرب حامل فقه إلى من هو أفقه منه ، و رب حامل فقه ليس بفقيه ، ثلاث لا يغفل عليهن قلب مسلم : إخلاص العمل لله ، و مناصرة الأوامر ، و لزوم الجماعة ؛ فإن دعوتهم تحيط من ورائهم و من كانت الدنيا نيته فرق الله عليه أمره ، و جعل فقره بين عينيه ، و لم يأت من الدنيا إلا ما كتب له ، و من كانت الآخرة نيته جمع الله أمره ، و جعل غناه في قلبه ، و أتته الدنيا و هي راغمة

الراوي : زيد بن ثابت - **المحدث :** الألباني - **المصدر :** صحيح الترغيب - **خلاصة حكم المحدث :** صحيح

على بركة الله ،، نبدأ محاضرة جديدة للدكتور ناجي ،، ويا رب تكون مفيدة وفي ميزان الدكتور ناجي
دلوقتي الساعة الثانية عشر بعد منتصف الليل و 43 دقيقة ،، يوم الأحد 14 أبريل 2013

صفحة 37 في المذكرة ،،، هناخذ 6 ورقات إن شاء الله من المذكرة
و ست ورقات المرة الجاية بإذن الله
ويبقا خلص ال respiration إن شاء الله

هنكمل إن شاء الله بقية الأماكن
اكتب لو سمحت على الكلام ده شفوي وعملي و M.C.Q.
النهاردا معانا كم معلومات كويس إن شاء الله فركزوا لو سمحتوا ☺

هنكمل بقية الأماكن اللي بتبعت كهرباء ،،
إحنا اتفقنا إن فيه ست أماكن بتبعت كهرباء ،، خدنا منهم أربعة الحصاة اللي فاتت
هنكمل إن شاء الله الأثنين اللي فاضلين في الحصاة
شفوي وعملي و M.C.Q.

Cerebral Cortex

ال cerebral cortex إزاي يآثر في نفسنا ؟؟؟

ال cerebral cortex كلمتكم عنه قبل كده ،، إنه هو دا بتاع ال voluntary control

هو دا بتاع التحكم الإرادي في النفس ،،
ممکن الواحد همزاجه يكتف نفسه ،، دا شغل ال cerebral cortex
ممکن همزاجي ،، أكتف نفسي

أكتف نفسي دي عملتهاكم قبل كده ،، إسمها apnea مش كده ولا إيه
ده نوع من ال apnea اسمه voluntary apnea
هنجمع مع بعض إن شاء الله بعد شوية أنواع ال apnea

همزاجك كتمت نفسك ،، أهو دا تحكم إرادي في النفس

VISIT...

LANZAROTE
Caliente.COM

هل فكرت ، لو واحد كتم نفسه بمزاجه ، هل يقدر كاته طول عمره ؟؟؟
غصب عنك بعد 45 ثانية ، 60 ثانية في ال Normal
النفس هيرجع ،

حد يفسر ليا ، هو الواحد لما يكون كاتم نفسه ، apnea ، مين اللي بيعلى جواك ؟؟؟
ال CO₂ يعلى وأيون الهيدروجين بالتبعية معاه
إحنا اتفقنا دول ماشيين مع بعض

ومين بيقل علطول ؟؟؟
oxygen tension

ال 3 حاجات دول لما يحصلوا ، دول بيعملوا إيه في ال respiration ؟؟؟
stimulation
يبقا اللي بيكتم نفسه دا يا أولاد ، بعد ما ال apnea بتخلص غصب عنك
بتلاقيه ، بعد ال 3/4 دقيقة ، نفسك عالي شوية
لغاية ما يرجع Normal

علو النفس دي ، اسمها hyperpnea
ما hyper يعني زيادة
و pnea يعني نفس
وبعد كده نفسك ينتظم تاني لل Normal

النقطة دي مهمة جداً ، عشان العملي
اللي هو نفسك بيرجع فيها

مكتوب عندك breaking point
هيسألوك في العملي إيه تعريف ال breaking point وإيه سببها ؟؟؟
تعريفها : دي النقطة اللي عندها ال voluntary apnea تخلص
مش هتقدر توقف نفسك أكثر من كده ،

سببها ؟؟؟
ال CO₂ وأيون الهيدروجين بيعلى ، والأوكسجين بيقل وإنت كاتم نفسك
ودي حاجات بتعمل ال stimulation لل respiration

موسوعة غينيس العالمية ،
أقل من 7 دقائق ، مش عارفين يوصلوا لأكثر من كده
واقفين أقل من 7 دقائق ، voluntary apnea

إمّا الرقم القديم ، لما دخل الموسوعات دي من فترة ،
4 دقائق
وكانوا مبسوطين أووووي بيه

كان إخوانا فيدول الخليج هما الي مسجلين الرقم ،، 4 دقائق

عارف ليه ???

اللؤلؤ صح

عارف قبل البترول في منطقة الخليج العربي ،، كان الإعتماد أساساً على صيد اللؤلؤ

كان صيد اللؤلؤ ،، يعتمد على إن الشخص بيكتم نفسه ،، وينزل تحت خالص في الخليج

ويلقط شوية لؤلؤ ويطلع

فبيقدر يكتم نفسه لفترات طويلة ،، فناس وصلت لغاية أربع دقائق

الرقم العالمي بقا ،، 7 دقائق إلا

تعال كده بالعكس ،،

أنا ممكن همزاجي أسرع نفسي ،، دا شغل ال cerebral cortex

أنا حر يا أخي ،، ممكن أسرع نفسي

اسمها voluntary hyperpnea

ما إحنا اتعلمنا ،، ال Hyperpnea يعني زيادة النفس

طيب ،،

تفتكر لما واحد يتنفس كده همزاجه ،، بسرعة يعني

كده بيطرد مين ???

ال CO₂

يعني جوا جسمه CO₂ tension يقل والهيدروجين بيقل

وفي نفس الوقت ،، بتأخذ مين أكثر ???

ال oxygen

ال3 حاجات دول ،، الي حصلوا ليك ،،

بيعملوا slight inhibition of respiration

وفي أي واحد بيعمل voluntary hyperpnea

تلاقية بعد ما يخلص نفسه وقف حبة ،،

وبعدين يرجع عادي Normal تاني

الله ،،

يعني دا نوع تاني من ال apnea

بيقا إنت شايف لغاية دلوقتي نوعين من ال apnea غير الي اتعلمناها المرة الي فاتت

• فيه حاجة اسمها ال voluntary apnea

• وفيه apnea بعد ال voluntary hyperpnea

زائد كان فيه أنواع apnea اتعلمناها المرة الي فاتت

زي إيه ???

• adrenaline apnea بتاعت الكلب الي حقناه أدريناين ،، ضغطه علي ،، نفسه وقف

• swallowing apnea ،، مع البلع بيحصل apnea

• وفيه شغل receptor < lung irritant receptor بتاع التراب ،، لما كنت بتشم التراب ،، نفسك بيوقف بعدها

دا لسه فيه أنواع هنخدها إن شاء الله
الجماعة العلماء بقا يا أولاد ،، بيسموا حته إن أي apnea يجي بعدها hyperpnea
وأي hyperpnea يجي بعدها apnea
ما هي واضحة ،،

أي apnea بعديها hyperpnea
وأي hyperpnea بعديها apnea
يموتوا فيها في الشفوي ،، يسموها **periodic breathing**

يقولك يا ابني ،، أو يا بنتي ،،
سمعت عن ال periodic breathing ???
تقوله : أيون ☺
أي voluntary apnea يجي بعديها hyperpnea
وأي voluntary hyperpnea يجي بعديها apnea

طيب ،،
سؤال عملي مشهور ،،

how to prolong apnea ???
أربع طرق يا أولاد إزاي ممكن يطولوا ال apnea
عندك أربع احتمالات ،،
أول حاجة ،، لو واحد قبل ما يكتم نفسه ،، اتنفس مية في المية أوكسجين
جاب أسطوانة ،، وخذ منها مية في المية أوكسجين ،، ملأ جسمه Oxygen
وراح كاتم نفسه ،،

الأوكسجين عالي في دمه دلوقتي ،، ودي حاجة تعمل إيه في النفس ??? الأوكسجين لما بيعلى بيعمل إيه في النفس ؟؟
فتلاقي الزبون دا ال apnea بتاعته طولت
يبقا أول طريقة ممكن نطول بيها ال apnea ،، نتنفس قبلها 100 % oxygen
صح كده

احتمال ثاني ،، إيه رأيك لو واحد قبل ما يكتم نفسه ،، عمل voluntary hyperpnea
ال apnea هتبقا مية في المية أطول معاه ،،
لأن إنت فاهم إن بعد ال voluntary hyperpnea ،، في حد ذاتها ،، لوحديها بيحصل معاه إيه ???
apnea
غير إن أنت كمان ،، هتعمل voluntary apnea كمان
يبقا ال apnea هتطول معاك

احتمال ثالث ،، لو واحد راح كاتم نفسه ،، ساعة ما يحس إن ال breaking point جاية جاية ،، ونفسه راجع راجع ،،
يروح بالحق ريقه ،،
إنت عارف إن البلع لوحده بيعمل apnea
اسمها إيه ???

swallowing apnea
يبقا كده ال apnea معاك هتطول ،، ال apnea العادية كانت خلاص هتخلص ،، فلما بلعت ريقك << طولت شوية

رابع احتمال ، اعمل deep inspiration واكتم نفسك زي الناس الي بتنزل تحت المية الشخص الي بينزل تحت المية ، الرئة بتاعته اتنخفت هواء ، كان فيه receptor في ال bronchi بيشتغل مع ال lung inflation ويبيع يوقف المجنون ، **كان اسمه إيه ال reflex؟؟؟**
Hering and Beruer reflex ال
يبقا إنت بتستخدم ال Hering and Beruer reflex يساعدك إنك تكتم نفسك ،

كمان مرة بقا ،

يبقا How to prolong ال apnea في العملي؟؟؟

أربع طرق

حد حفظهم؟؟؟

- 100 % oxygen
- swallowing في الآخر
- اعمل الأول hyperpnea وبعدين اكتم نفسك
- اعمل deep inspiration واكتم نفسك زي الناس الي بتنزل تحت المية

طيب ،

غير ال cerebral cortex

حتة فوق بردو ، ال Hypothalamus

Hypothalamus

إحنا بنتكلم على الأماكن الي فوق الي بتأثر على النفس
ال hypothalamus الي هو بالعربي يعني إيه؟؟؟
تحت المهاد (تحت السرير)

فاكر الجملة ،

أي حاجة بتنظم ، ترموستات ، كله تحت السرير ال hypothalamus

مكتوب عندكم ،

إن مراكز ال para sympathetic في ال hypothalamus

بتقلل النفس ،

زي ال severe pain

مش فاهم ، هو الي عنده severe pain ، ليه نفسه بيقل يعني؟؟؟

يا بابا ، الشخص وهو بيتنفس جسمه كله بيتحرك

مع النفس مش بس ال chest wall بيوسع وبيضيق

لا ،

الي عنده كسر في رجله ، في آخر الدنيا تحت

إنت عارف لو بيتنفس كثير ، جسمه يتحرك جامد ، مكان الكسر يوجعه

في مصلحته النفس يهدى

مناطق ال para sympathetic centers في ال hypothalamus بتبعت تهدي النفس

تفتكر ليه ؟؟؟

عشان الوجع ميزدش

طيب ،

مناطق ال sympathetic centers في ال hypothalamus

مكتوب عندكم ال emotions (الإنفعالات)

تسرع النفس

زي واحد منفعل ، تلاقيه بيتنفس كثير

مناطق ال sympathetic centers

بتسرع النفس ، مع ال emotions

في الحر ، فيه عندك heat regulatory centers (ترموستات زي اللي في الثلاجة)

بيسرعلك النفس في الحر

تلاقي واحد في الحر يقولك : دا بيلهث

تلاقيه داخل بقا الحرارة أربعين بره ، تلاقيه داخل وشه أحمر وعمال يتنفس بسرعة

ال heat regulating center ، بينشط مراكز النفس

فيه حاجة اسمها ال panting center

متضحكوش الناس علينا ،

مراكز اللهث ، دي في الكلاب ، مش في البني آدم ، متضحكوش الناس علينا

الكلب بيلهث ، تلاقيه مطلع لسانه

يعني إحنا في الحر ، مبنطلعش لسانا بره في الشارع

الكلب بقا في الحر تلاقيه مدلدل لسانه بره ، بيبخر اللعاب ، عشان حرارته تهدى

أصل الكلب معندوش sweat gland

مبيعرقش

تقوم إزاي حرارته تهدى ؟؟؟

يبخر ال saliva ، اللعاب اللي في بؤه

يبقا في الشفوي متضحكوش الناس علينا ، دا في الكلاب بس

اسمه إيه بقا مركز اللهث ؟؟

panting center

طيب ،

آخر حنة ال Viscera ، سادس مكان

Viscera

هي الأحشاء إزاي تأثر على النفس ؟؟

أكل داخل سميناه swallowing

أكل خارج سميناه vomiting

الأتين معاهم النفس بيقف ،، apnea
وال glottis بيقفل

المرة الي فاتت أقنعتكم ،، إن وإنت بتبلع ،، الأحبال الصوتية بتقرب من بعض ،،
قفلنا ال glottis

ونفسك وقف ،، وسميناها swallowing apnea
عشان الأكل ميدخلش جوا صدرك

طيب ،،

ما هي يا أولاد لو واحد بيرجع ،، قيء
ما هو بردو الواحد وهو بيرجع ،، الأكل بييجي في بؤه قبل ما بيطلع بره ،،
ما هو بردو لو نفسك شغال ،، هو هو ،، والله كان من أول مرة ،، كان الترجيع دخل جوا ،، وبهدل الدنيا
يبقا فيه حاجة هنا توقف النفس

حاجة اسمها vomiting apnea

دا نوع ثاني من ال apnea غير ال swallowing apnea
عندنا ال vomiting apnea

طيب ،،

إيه حكاية ال Hiccup ؟؟؟

الزغطة ،، إيه حكاية الزغطة ؟؟ ال Hiccup ؟؟؟

تعال أحكيك قصة الزغطة

مش معقولة تبقا راجل دخلت كلية طب ،، وجارك بيعتمد عليك في الحصول على معلوماته الطبية
يسألك في الزغطة ،، وتقوله معرفش يعني ☹️
مش تبعنا

الزغطة دي ،،

لو افترضنا إن دي stomach ☺️

ودا ال diaphragm

في ال anatomy قالوا ليك إن ال phrenic nerve بيغذي ال diaphragm من ال under surface

بص ،،

ال Phrenic بيعدى بيخترق ال diaphragm

و supply من ال upper surface

خلاص كده

معلش ركزوا معايا ☺️

الشخص يا أولاد لو ضحك كثير ،، ضحك كثير

معدته اتملت هواء ،، كبرت

ما الي بيضحك دا عمال يبلع هواء ،،

أو واحد أكل كثير ،، تمام ☹️ معدته اتملت أكل

تلاقي واحد يديك على دماغك ، وعلى قفاك من ورا وحاجات معرفش ☹
طيب ،

طالما قولنا ال Hiccup ،

يلا بالمره ال Yawning ، التشاؤب

بيقولك : فكرتها إن بيبقا الأوكسجين الي رايح لل brain قليل

فبتعمل حاجتين ،

الحركة كأنها deep inspiration

إنت بتفتح ال collapsed alveoli عندك جوا ، لو فيه حاجة لسه مقفولة شوية

حاجة تانية ،

إنت لما بتأخذ نفس جامد ،

دا بيساعد حاجة ترجع لفوق كده ؟؟

ال venous return

الدم بكمية حلوة ترجع للقلب ، يقوم الي خارج حلو كده

اسمه إيه الي خارج ؟؟

cardiac output

يروح للمخ ، كده وتفوق

طالب يسألني ،

إشمعنا أنا لما بتثائب ، ألاقى الصف الي ورايا كله عايز يتاوب ؟؟؟

يبقا الأوكسجين ناقص ولا إيه !!

ملهاش تفسير علمي

تعالوا بقا للبداية الحقيقية للحصة ،

سؤال الحصة النهاردا الكبير ، hypoxia ، نظري مهم ، وسؤال منفرد

Hypoxia

ست عناوين فيه ، ممكن يجيبوا فيه أي حاجة

الحصة الجاية هتكون حصة هادية ، فيها تنفس صناعي وقبله الحياة ، وبتاع كلام كبير

نختم بيها إن شاء الله

موضوع ال hypoxia

نظري مهم وسؤال منفرد

يعني إيه منفرد ؟؟

إحنا هنرقم مع بعض ست عناوين في ال Hypoxia يجيبوا منهم أي حاجة

أي عنوان في الورق الي جاي مهم

هما ست حاجات هنتكلم فيهم إن شاء الله

أول حاجة معناها رقموها ال definition (اكتب عليها رقم واحد)

والله مش محتاجة أحط definition في ال hypoxia

hypo يعني إيه ؟؟؟ ناقص

على فكرة اللي هيركز ، مش هينقص خالص في الورق اللي جاي
ركزوا جامد في الكلام ده
oxy يعني إيه ؟؟
أوكسجين

يبقا التعريف بتاع ال hypoxia << أوكسجين ناقص
deficiency of oxygen

اللي هيقول كده منكم في الشفوي ، هنديله صفر

أهم مقطع في التعريف ،

at tissue level

أصل مين هيعاني من نقص الأوكسجين ؟؟؟

al tissue

مين مش هيعرف يشتغل لما الأوكسجين ينقص ؟؟

al tissue

حط دايرة كبيرة على كلمة tissue

دي أهم مقطع في التعريف

طبيب ،

أنواع ال hypoxia دي تاني حاجة هنتكلم فيها

سؤال شفوي هذا السؤال

يقولك : قولي يا ابني أنواع ال hypoxia ؟؟

يعني إزاي الأوكسجين ينقص عند ال tissue

فوق كده وصحصح ، عندي حكايات النهاردا للصبح
فيه عندي 4 احتمالات ، إزاي الأوكسجين ينقص عند ال tissue

خد عندك ،

ممکن الأوكسجين يكون ناقص في الدم ، وبالتالي هيكون ناقص عند ال tissue

النوع ده يسموه hypoxic hypoxia

أول نوع

مشكلته ، نقص الأوكسجين tension

وإنتوا بقيتوا أساتذة في ال respiration

لما ال oxygen tension يكون قليل ، الذائب قليل << يبقا اللي متشال على الهيموجلوبين هو كمان إيه ؟؟؟
قليل

طبيب ،

إنت عارف النوع ده من ال hypoxia عامل زي إيه ؟؟؟

لما أجي أقولك : إحنا عندنا أزمة في السكر ، في محافظة الجيزة

هتقولي : ممكن يكون سبب الأزمة دي إنه قليل في مصر كلها ، وبالتالي قليل في الجيزة ، ما الجيزة دي حته من مصر

ال hypoxic hypoxia ،،

الأوكسجين فيه ناقص عند ال tissue ؟؟؟

لأنه قليل في الدم كله

فهيبقا قليل عند ال tissue

طيب ،،

فيه احتمال ثاني يا أولاد لل hypoxia

إن الأوكسجين في الدم كويس ،، بس مفيش عربيات تنقله لل tissue

مفيش عربيات هيموجلوبين توديه لل tissue

اسمها إيه دي يا أولاد في الطب لما يبقا ال hemoglobin ناقص ؟؟؟

anemia

فيسموا النوع ده ،، anemic hypoxia

الأوكسجين في الدم كويس

بس المشكلة إن الهيموجلوبين واطي

إنت عارف عامله زي إيه ؟؟؟

السكر عندنا في الجيزة قليل ،، عارف ليه ؟؟؟

في مصر السكر كله كويس ،، بس إحنا مفيش عربيات تنقل لنا السكر لمحافظة الجيزة

المشكلة مش في مصر كلها ،، المشكلة في العربيات اللي بتنقل

إحتمال ثالث يا أولاد ،، لل Hypoxia

واحد عنده الأوكسجين في دمه كويس ،، والهيموجلوبين في دمه كويس

(على فكرة علامة زائد أو ناقص يعني Normal)

بس الدم مبيوصلش ،، الدم راكد مبيوصلش لل tissues

المشكلة في ال blood flow قليل

النوع دا يسموه stagnant hypoxia

stagnant يعني ركود ،، راكد

إنت عارف عامله زي إيه في المثال بتاع السكر اللي بحكيه ؟؟؟

تخيل يا ابني ،، السكر في مصر كلها كويس

والعربيات اللي بتنقل السكر موجودة ،،

بس السكك مقفولة فيه obstruction على الطرق

خلاص كده ،، إحنا هنعاني من نفس المشكلة

طيب ،،

فيه احتمال رابع لل Hypoxia

الأوكسجين في الدم كويس ،، والعربيات اللي بتنقله (الهيموجلوبين) كويسة ،، والدم وصل لل tissue

العيب يا أولاد مفيش شيالين في ال tissue ،، ينتزعوا ال oxygen من الدم

حاجة اسمها oxidating enzymes

ال oxidating enzymes دي موجودة في ال tissues بتاعتنا عشان تلتقط ال oxygen من الدم

فيه سم معطل عمل ال oxidating enzyme

يقوم يسموا النوع ده إيه ???

histotoxic hypoxia

histo يعني أنسجة ، مش إنتوا بتأخدوا هستولوجي

toxic يعني تسمم ،

إنتوا عارفين النوع دا عامل زي إيه ???

لما أجي أقولك عربية العفش وصلت تحت بيتكم

جت جابت الموبيليا ، بس مفيش شيالين يفضوها

كأنها مجتش

يا فرحتي إن العفش كان هناك ، وجبت عربية ونقلته ، ووصلت للبيت

بس مفيش حد يفضيها ويطلعها فوق في الشقة

غريب أووي يا أولاد النوع الرابع ده

دا عامل زي ما يقولك إيه ??

ظمآن والكأس بيدي ☺

عطشان والكأس في إيديه

الأوكسجين جنب ال tissue ، وال tissue مش عارف يمد إيدته ويأخذ

وكان زمان يقولك :

كالبعير في الصحراء يقتلها الظمأ ، والماء على الورى محمول

الجمال في الصحراء تموت من العطش ، بالرغم إنها شايلة مية وماشية

مش قادرة تمد إيديها وتجييب

يبقا أربع أنواع hypoxia ، يتحفظوا صم

• أول نوع مشكلته نقص الأوكسجين في الدم ، سميناه hypoxic hypoxia

• النوع الثاني مشكلته نقص الهيموجلوبين ، يبقا anemic hypoxia

• النوع الثالث مشكلته إن الدم مبيوصلش ، يبقا stagnant hypoxia

• النوع الرابع مشكلته إن فيه سم معطل ، يبقا histotoxic hypoxia

يبقا قولي كده أساميهم الأربعة ???

• hypoxic hypoxia

• anemic hypoxia

• stagnant hypoxia

• histotoxic hypoxia

تعال كده نشوف أسبابهم ،

2 + 2 + 2 + 5

أول نوع ليه خمس أسباب

الباقيين اتنات ، اكتب على جنب كده لو سمحت خمسة اتنين اتنين اتنين < 11 هما يعني

شوف ،

لو تركت نفسك للبيت ، عايز تحفظ أسباب ال hypoxic hypoxia هتلاقيهم خمس أسباب مكتوبين في المذكرة حوالي 12 سطر ولا حاجة ممكن تضيع فيهم ساعة إلا ربع ، نص ساعة وتحاول تحفظهم وفي الآخر تنساهم ☹ وتكره الفسيولوجي

مع إنك لو ركزت ، إزاي أنا هشرحك أسباب ال hypoxic hypoxia اللي هو أشهر نوع hypoxia في العالم < ال hypoxic hypoxia ركز كده إزاي يتحفظوا ،

خليك معايا ،

لو افترضنا إن دي ال lung

ودا الدم رايح ليها ، خمس أسباب لل hypoxic hypoxia اللي هو الأوكسجين في الدم واطي مشكلتنا هنا نقص الأوكسجين في الدم

تعال نأخذ خمس احتمالات من الخارج للداخل

إزاي الأوكسجين ممكن ينقص في الدم ويحصل Hypoxic hypoxia ??? واحدة واحدة ،

أول احتمال ، إن الأوكسجين في الجو يكون قليل ، فوق الجبال ،

كلنا لو طلعتنا فوق الجبل ، الأوكسجين فوق الجبل قليل

يبقا الأوكسجين اللي هيوصل لدمك قليل ، يعملك hypoxic hypoxia

ارجع كده للحصص الأولى

نقص الأوكسجين في ال inspired air

وخلي بالكم أنا مرقم من الخارج للداخل ،

اكتب من فضلك في كتابك أو مذكرتك من الخارج للداخل عشان تفتكر زي ال high altitude

طيب ،

أدي أول احتمال لنقص الأوكسجين في الدم

الاحتمال الثاني ، تخيل يا ابني إحنا قاعدين في الأوضة دي ،

الأوكسجين حوالينا كويس

فيه وسطنا واحد عنده مرض في ال Lung

يبقا كلنا هنا أخذ أوكسجين كويس

ما عدا اللي عنده مرض في ال lung

يبقا اللي عنده مرض في ال Lung ، الرئة بتاعته مش عارفة تأخذ هواء من بره

تقوم تبعت هواء قليل للدم بالتبعية

مرض بالرئة مكتوب عندكم كلمة hypo ventilation

فاكرين أمراض الرئة كانت يا obstructive يا restrictive

الخمس أسباب بتوع ال Hypoxic hypoxia اتلقطوا كويس

تعالوا نجيبهم كده ،

- أول احتمال لل Hypoxic hypoxia ، نقص الأوكسجين في الهواء
- الإحتمال الثاني ، الرئة هي اللي مش عارفة تأخده ، hypo ventilation
- الإحتمال الثالث ، الأوكسجين مش عارف يعدي ، alveo-capillary block
- الإحتمال الرابع ، الأوكسجين عدى ومفیش دم متظبط على أده ، فيه لخبطة في V/P (ventilation perfusion ratio)
- الإحتمال الخامس ، كله كان كويس ، بس حصل خيانة ، اللي هي ال shunt ، من ال venous لل arterial ، زي الثقب في القلب ، فيه ناس عندهم ثقب في القلب

بقية الأنواع بتاع ال hypoxia كل نوع سببين ، إن شاء الله يكون حاجة سهلة أووي

ال anemic hypoxia

مين الي قليل ؟؟؟

الهيموجلوبين

العيب يا أولاد في الهيموجلوبين ممكن يكون يا كمأ ، يا كيفأ
أدي السببين

كلمة quantitative ، يعني كم

كلمة qualitative ، يعني كيف

يعني إيه الكلام ده ؟؟؟

ممكن واحد فعلاً عنده الهيموجلوبين قليل ، يعني أنيميا

ممكن واحد قيس ال هيموجلوبين بتاع الدم لقيته Normal ، الولد بيكون 15 ، 16 جرام

والبنت 13 ولا 14 جرام

كده الهيموجلوبين كويس

بس الهيموجلوبين أصبح في صورة ميقدرش يشيل oxygen

زي حاجات اتعلمناها ، الأوكس بتاع الهيموجلوبين لو بقا ferric

المركب الناتج كان met hemoglobin (ميت) ، ميشلش أوكسجين

أدي واحد هيموجلوبينه كويس ،

بس أصبح في صورة not carry oxygen

دا معنى quantitative

ال CO النهاردا هحكيلكم عليه ،

فاكر ال carbon mono oxide بتاع الحرائق ، كان بيشبك على الشريط ولا على القرص

على القرص مكان الأوكسجين

ويعمل مركب اسمه carboxy hemoglobin

ال carboxy hemoglobin ميشلش أوكسجين ،

ما أنت أخذت ال CO مكانه ،

فيه حاجة تالته ، sulph hemoglobin

إن شاء الله ، الناس الي منكم هتشتغل دكاترة أطفال (pediatric)

كثير يستخدم في علاج الأطفال دواء اسمه السلفا (مضاد حيوي)
تلاقوا بينهوا عليه دائماً يستخدموش أكثر من 3 ، ، 4 أيام في العيل
إنت عارف لو إديت سلفا كثير للعيل ، ، حبة السلفا اللي إديتها تُشَبِّك في الهيموجلوبين
sulph hemoglobin تعمل
oxygen دا ميقدرش يشيل

يبقا إنت كده ممكن تجيب للعيل Hypoxia وتخنقه
شوية معلومات بسيطة
عمال تتعلمها وإنت ماشي تفيدك ، ، وتبقا دكتور شاطر بعد كده إن شاء الله

يبقا عيب الهيموجلوبين يا كمأ يا كيفأ
كمأ اللي هي حالة إيه ؟؟؟
anemia

كيفأ دي معناها ، ، إن الهيموجلوبين أصبح في صورة ميشلش أوكسجين
ثلاثة مكتوبين عندكم اللي هما مين ؟؟؟؟
• Met hemoglobin
• CO poisoning
• sulph hemoglobin

تعالوا للنوع الثالث من أنواع ال hypoxia بتاع الركود
اسمه إيه بتاع الركود ؟؟؟
stagnant hypoxia

وبردو سببين
لو كل حاجة مش منظمة في دماغك ، ، هتتعب في مذاكرتها
أبقا عارف إن الركود حاجتين ، ،
يا إما راكد في الجسم كله ، ، ودا مفيش غير سبب واحد ليه ، ، إن المضخة عطلانة
heart failure

إزاي الدم مش ماشي كويس في جسمك كله ؟؟؟
أكيد ال heart فيه حاجة
heart failure مكتوب عندك

يا إما الدم راكد في حته واحدة ، ، في صباغي ، ،
صباغي !!!
أه ، ،

تخيل يا ابني صباغي دا ، ، ال vein اللي طالع منه مقفول ، ،
ما فيه artery جايب الدم ، ، و vein راجع بالدم
ال vein اللي راجع مقفول

جت جلطة (thrombus) ، ، يا vaso constriction
يبقا الدم اللي بيروح للصباع دلوقتي ، ، هل بيرجع ؟؟؟ بقا راكد في الحته دي

الصباغ دلوقتي ،، سكة اللي يروح مبرجيش
الدم يجيله ويوقف هناك
لأن السكة اللي راجعة مقفولة ،،

- يا vaso constriction
- يا thrombus

يبقا الركود :

- يا generalized
- يا localized

تعالوا بقا ،، بتاع كالبعير في الصحراء دا

Histotoxic hypoxia

على فكرة ال Histotoxic هتلاقي دائماً أسئلة ال M.C.Q. بيلف ويدور حواليه
فيه حاجات كويسة ال histotoxic دا

التسمم هنا في مين ؟؟

oxidating ال

الي بيأخدوا الأوكسجين من الدم بيحطوه في ال tissue

اتنين هما ال oxidating :

- Cytochrome oxidase
- Dehydrogenase

الي يعمل تسمم في ال Cytochrome ؟؟

Cyanide

دا أسرع سم ييموت في العالم ،، بيبقا موجود مع الجماعة الجواسيس

ييموت في خمس دقائق

فيلم من الأفلام العربي ،، تلاقي الزبون من دول ،، وأحمد إبراهيم القاطن في دير النحاس ☺ مش كده

لا تشرب الدواء الذي أرسلت إبتك في طلبه

بيضحكوا علينا في السينما

يجيبك في السينما ،، لما جاسوس يبلع قرص سيانيد بعد ما يتقبض عليه ،،

تلاقيه بلع القرص من هنا ،، وراح مطوح دماغه

ناس مش فاهمة

خمس دقائق

والنهاردا هنعلمكم إن شاء الله ،، هل ممكن نلحقه ؟؟؟ ودا سؤال شفوي

أه ممكن نلحقه إن شاء الله

هنشوف ،، دا جاسوس ،، يتقبض عليه ،، راح مطلع حاجة من جيبه بالعها

ما هو عارف إننا هنعدمه هنعدمه في الآخر

إحنا النهاردا بقا هنعلمكم إزاي تنقذوه ،، مش عشان إحنا بنجبه

عشان يُقر ويعترف بالتفاصيل ومين معاه
وبعدين نعدمه على مهلنا في يوم إحنا فاضيين فيه
ال Cyanide ده لل Cytochrome oxidase

هتلقا ، عمل شوية عمائل
كان بجيب عُرف فُضَّاهَا (فرغَّهَا) من الأوكسجين خالص
ويحط فيها اليهود ، فيموتوا بأي نوع من ال hypoxia ؟؟؟
hypoxic hypoxia

عجبته الفكرة ،
جانب غرف ثانية ، ملأها غاز سيانيد ويحط فيها اليهود
يموتوا بأي نوع من ال hypoxia ؟؟؟
histotoxic hypoxia

هتلقا ،
كان شغال فسيولوجي معانا ☺
كل حاجة كان بيعملها

ال Dehydrogenase
فيه حاجتين بيعطلوه :

- الناس اللي بتشرب كحوليات كتير ، اللي مش في منطقتنا خالص ، اللي بيشربوا كحوليات بكميات رهيبه ، يعني مش كآسين ، إزادة مركزة ، دا بيموت من ال Histotoxic hypoxia
ال Dehydrogenase بيتعطل ، فيموت
- أو الناس اللي بتتنحدر بالمنومات ، ال Barbiturate
على فكرة مفيش حاجة في القاموس اسمها barbiturate
الفكرة كلها إن الجماعة الأجانب اللي اكتشفوا الدواء ، اكتشفوه بره ، يوم عيد عندهم لقديسة اسمها بارا ، فسموها Barbiturate
ملهاش معنى في القاموس

مارلين مونرو ، هحكيلكم عنها في الحصه إن شاء الله
أشهر من انتحر بال barbiturate
وكانت طريقة الإنتحار مادة للتأمل
هنحكي عليها إن شاء الله

أكمل وقت ثاني إن شاء الله ،
أقوم استعداد لصلاة الفجر ، عشان أصلي وأنام شوية قبل ما أصحي للمستشفى إن شاء الله
الدقيقة 30 الشريط الثامن
ورجعت بعدها مش عارف بكام يوم ، بس النهاردا الخميس 18 أبريل 2013

فيه فكرة الإنتحار بال barbiturate
حتى حته فنية لما نيجي نحكيها إن شاء الله

الصفحة الي جاية دي درة هذه الحصة ☺

أربع أنواع hypoxia

كل نوع عايزك تعرف عنه 6 نقاط

يبقا الورقة دي فيها 24 نقطة

هيلاعبك في الإمتحان في الورقة دي

نكتب كده أنواع ال Hypoxia :

- hypoxic hypoxia
- anemic hypoxia
- stagnant hypoxia
- histotoxic hypoxia

طبيب ،

أربع أنواع hypoxia ، عايز أتكلم في كل نوع عن أربع نقاط

أذكركم إن الورقة دي مش هتأخذ منك في البيت 5 دقائق ،

كل نوع هنتكلم فيه عن 6 نقط

ياااااااااا ست نقط ، معندكش تقسيمة ؟؟؟

عندي :

- 3 arterial blood
- 2 venous
- وحاجة تانية لوحديها في الآخر

هما الستة

هعلق إيه دائماً في ال arterial blood ؟؟؟

هعلق في كل نوع على 3 حاجات في ال arterial blood

الأوكسجين الي ذائب سميناه oxygen tension

والأوكسجين الي متشال على الهيموجلوبين دا ال content

ونسبة التشبع الي هي ال saturation

يبقا دول 3 نقط هنعبر عليهم في كل نوع

طبيب ،

حاجتين في ال venous ، مختصر شوية ال venous

نتكلم على ال tension

وعلى ال content بس

ال PO₂ tension كام ؟؟؟ في ال venous ؟؟ وال oxygen content

مفيش هنا ال saturation في ال venous

آخر حاجة نعقب عليها

هل العيان ده أزرق ولا مش أزرق

مزرق ولا لا؟؟

cyanosis ولا لا؟؟؟

مقطع Cyan يعني أزرق في اللغة

كلمة Cyan ، يعني أزرق

يبقا cyanosis مزرق

تعالوا نتفق على حاجة ،

عارف النبي آدم اللي بيتندي يزرق إمتى؟؟؟

لو عنده في دمه على الأقل ، 5 جرام reduced hemoglobin في ال 100 cm دم

يعني اللي عنده في ال 100 cm دم ، 5 جرام هيموجين كانوا reduced

reduced يعني إيه؟؟؟

يعني مش شايل Oxygen ، فاضي

هو ذا المركب الأزرق في دمك

الشخص يزرق

طبعاً الخمسة دي لو بقت ستة ، بقت سبعة ، هيزرق أكثر

أنا بحكي على ال threshold بتاع الزرقان

خمسة ، عشان الحسد ☺

النبي آدم يزرق ، من أول خمسة جرام reduced hemoglobin في كل 100 سم دم

أنا لسه قايلكم الولد الهيموجلوبين ال Normal بتاعه كام؟؟؟

15 ، 16

اللي عنده خمسة منهم هيموجلوبين فاضي (reduced)

هو ذا اللي لونه أزرق ، يبقا يزرق معاك

أكثر من كده (الخمسة يعني) يزرق العيان

هنشوف إيه حكاية الأزرق ده ☺

طيب ،

قبل ما أعقب معاك على الست نقط ونوع نوع

إحنا هنمشي في الورقة الأول بطريقة طويلة ، وفي الآخر هنلهمها بالعرض إن شاء الله

نروح مخلصين الموضوع بإذن الله

تيجي نتندي مع بعض الأرقام ال Normal


ضغط الأوكسجين ، ال arterial blood كان كام؟؟؟

100

وفي ال venous؟؟؟

40

إنتوا عارفين المعلومة دي حلو



نسبة ال saturation في ال arterial blood ???

97 %

مكتوب عندكم في ال diagram << 19.4 ملي أوكسجين في كل 100 سم دم

ال tissue يباخذ كام من ال 19.4 ???

5.4

يبقا ال venous دلوقتي كام ???

14

دي الأرقام ال Normal ،

إحنا يا أولاد مش هنصعبها عليكم ، وكل نوع hypoxia

مش هنقولك : قول أرقام

إمّا قول ، هل الأرقام زي الأولانية ولا أعلى ولا أقل ؟؟ يعني مش هنقول أرقام

يعني يا زيادة يا نقص ، ولا زيها

نتوكل على الله

عايز أتفق معاكم على حاجة ،

الحتت قبل ما ندخل في الأنواع ، الكرة الي تحت الي مكتوب فيها ال 14 ملي

أنا لو مكانك أظلل الحتة المخططة تحت خالص ، باللون الأزرق

الكرة الي فوق دي كانت مليانة أوكسجين ،

لما خدت منها حبة ،

الخطوط الي تحت دي تمثل إيه ???

الهيموجلوبين الحتة الي فضيت ،

لما خدت الأوكسجين من ال tissue << 5.4

دي لو وصلت كام البني آدم يزرق ؟؟

5 جرام

خلي بالك عشان متتلخبطش وتقول خمسة ملي جرام

نتوكل على الله ، عشان أصححكم ،

أنا همثلها بقصة الكوباية والمية الي فيه ،

كوباية الهيموجلوبين والأوكسجين الي جواه ،

أول نوع ، ال hypoxic hypoxia

كوباية الهيموجلوبين كويسة ، العيب مش عيب هيموجلوبين


ال oxygen tension قليل

مش هو دا الي لسه قايلينه من شوية

نخش على باقي المعلومات

لما الذائب يبقا قليل ، يبقا ال oxygen content على الهيموجلوبين أخباره إيه ???

قليل



يعني الكوباية فيها حبة أوكسجين قليلين أو ووي
ويبقا نسبة ال saturation إيه ???
قليلة طبعاً

يبقا كل حاجة هنا في ال arterial blood قليلة في النوع ده
إنت عارف النوع دا عامل زي إيه ???

زي لما أجي أقولك أنا عطشان ، عطشانان ،
يقوم سعادتك جايلي كوباية مية طول كده ☺ ، وفيها حبة مية قليلين ☹
أنا بمجرد ما هأخذ منها شفطة ، هرجعها لك فاضية ☹

يبقا ال venous blood ، تتوقع ال venous blood ، لما أجي ال oxygen tension
وال content اللي فيه ، وأقارنه بال Normal هلاقيه زي ال Normal ??? ولا أعلى ؟؟ ولا أقل
؟؟؟
أقل

ولو خدت بالك ، بقت فيه حبة كبيرة فاضية من الكوباية
وهي دي المسؤول عن اللون الأزرق
العيان ده بيزرق

الكرة اللي فوق ، كان فيها حبة فاضية من الأول
مش مليانة من فوق من الأول ، الكوباية كانت فاضية
تحت ،

الخطوط زادت أو ووي ، العيان دا ازرق

يبقا أول نوع hypoxia ، سهل أو ووي حفظه
كل حاجة قلت ، والعيان أزرق

إسمه إيه النوع ده ???

hypoxic hypoxia

ودا أشهر أنواع ال hypoxia في العالم
العيان ده عنده كل حاجة قلت
وأزرق

نخش على النوع الثاني ☺


anemic hypoxia

عارف عيان ال anemic hypoxia عبارة عن إيه ???

الكوباية عنده ، أصبحت فنجان
الهيموجلوبين قل ،

أخينا ده عنده الأوكسجين اللي ذائب Normal
مفيش مشكلة في الأوكسجين اللي ذائب في النوع ده
ال tension بيكون normal

فيه أوكسجين كتير جوا الفنجان ، كمية الأوكسجين كتير ولا قليلة ولا Normal ???
قليلة



إمّا نسبة التشبع أخبرها إيه ؟؟

normal

ال tissue يا أولاد ميهموش نسبة التشبع في حاجة

يا فرحتي بنسبة التشبع ، تشبع إيه ؟؟؟!!!

يعني أقولك : أنا عطشان ☹️

تقولي : بص بقا ، أنا جاييلك تشبع مية مية ، فنجان

يا فرحتي إن التشبع مية في المية ، هعمل بيه إيه ؟؟؟!!!! هشرب التشبع !!!

أنا يهمني الكمية ، الكمية هنا وهي دي الي تهتم ال tissue

أهم حاجة

هي الي قليلة

تفتكر الفنجان لما جتبهولي وأنا عطشان ، هرجعهولك فاضي ،

بص الصورة ، ال venous

هيرجلك الفنجان فاضي

تفتكر لما تقارن ال tension وال content في النوع ده بال Normal ؟؟؟ هيكون أعلى ؟؟

ولا Normal ؟؟؟ ولا أقل ؟؟؟

أقل طبعاً

فين ال 14 ملي والكلام ده !!! هي فيها حاجة

العيان ده مش ممكن يكون أزرق ، عارف ليه ؟؟؟

لأننا أخفقنا في الوصول إلى الحد الأدنى للزرقان

هو الحد الأدنى (ال threshold) عشان يزرق كان كام جرام ؟؟؟

5 جرام

يا أولاد العيان من الأول anemia و هيموجلوبينه 7 ، 8

إنت عارف لو فيه خمسة منهم مش شايلين أوكسجين ، دا مات

دا مش هيجيلك إنت ، دا تحضر جنازته بالكثير

العيان ده مش ممكن يكون أزرق ، لأن أننا أخفقنا في الوصول إلى الحد الأدنى للزرقان

حتى بصوا الرسومات ، راسم ليك الكرة فوق صغيرة ، دا تعبير عن إن الهيموجلوبين قليل

وتحت صغيرة ،

الحتة المخططة تحت ، أنا عارف إنها شكلها كتير ، بس متجيش الخمسة ، الي هيزرق بيهم

يبقا النوع الثاني في ال hypoxia ،


مين أهم حاجة قلت في ال arterial blood الي جاي من ال tissue ؟؟؟

oxygen content

بصوا بقا النوع الثالث والرابع ،

stagnant hypoxia

Histotoxic hypoxia



مفیش مشكلة خالص في ال arterial blood
النوع الثالث ، المشكلة إن الدم موصلش
والنوع الرابع ، المشكلة إن ال tissue هو الي مش عارف يأخذ

مفیش مشكلة في ال arterial blood
في النوع الثالث والرابع
كله ، Normal
ال arterial blood هنا وهنا

الهيموجلوبين كان جاي كويس أو ووي عند ال Lung
في ال stagnant معرفش يوصل
وال histotoxic العيب في ال tissue

طبيب ،

تعال بقا لل venous blood في ال stagnant hypoxia
النوع الثالث ،

إنت عارف لو قولتك : أنا عطشان ☹
وجبتلي كوباية مية كبيرة مليانة على الآخر ، يبقا كده عداك العيب

بس أنا طول ما أنا بشرح ساعتين تلاتة ،

من غير ما تغيرهالي ،

كل ما أشرح نص ساعة ، همد إيدي على الكوباية وهأخذ شفطة وأحطها

في آخر الساعتين تلاتة إيه الي هيحصل ؟؟؟

الكوباية فضيت

عشان كده تلاقي أي واحد من الزعماء ، بيلقي خطاب مهم ،

الكوباية الي فُصاده دي ، عمالة تتغير طول ما هو بيتكلم

مجرد ما يمد إيده عليها ، حتى لو مشربش ، تلاقي واحد جري (وظيفته هي كوباية المية دي) يروح واخدها ومزود الفتوة الي نقصت

إنت عايز الكوباية تنقص أدام (أمام) الزعماء ولا إيه ؟؟؟!!! تودي نفسك في داهية ☹

الكوباية هنا الهيموجلوبين ، مليان أوكسجين

بس نايم جنب ال tissue ميتغيرش

يقوم ال tissue كل شوية ، يأخذ حبة أوكسجين

ويشتغل شوية ، ويأخذ من نفس الكوباية تاني

هتنتهي القصة ، إن الكوباية تفضي خالص ،

يبقا أرقام ال venous في الواد ده هنا ، ثابت ولا قلت ولا Normal ؟؟؟

قلت

وهنا العيان ده أزرق ولا مش أزرق ؟؟؟

أزرق

الكوباية عمالة تفضي ، هنجيب الخمسة جرام مستريحين

في النوع الثالث والرابع؟؟؟

Normal سيكون

arterial blood ال يبقى

أول نوع كله قل

ال venous ،،

كله قل ،، ما عدا آخر نوع هو ذا الي زاد ال histotoxic hypoxia

حتى الزرقان ،،

فيه اثنين ازرقوا واتنين لا

منتهى العدل

مين الي أزرق؟؟؟

ال Hypoxic الي هو النوع الأول

وال stagnant النوع الثالث

فيه اثنين مزرقوش؟؟؟

anemic hypoxia لأننا أخفقنا في الوصول لل threshold الي هما الخمسة جرام ال reduced

وال histotoxic الي هو مفيش أحمر من كده ،، ذا الي أكثر إحمراراً

إنت عارف بجيبوها في ال M.C.Q.

ال Cyanide يعمل cyanosis

صح ولا غلط؟؟؟

هو ال cyanide ده يعمل أنهبي نوع من ال hypoxic؟؟؟

histotoxic hypoxia

ودا يعمل cyanosis؟؟؟

لا ،،

الطالب يفكر طالما جايين C مع ال C

cyanide يبقى يعمل cyanosis ،، ☹ لا خالص

يا حبيبي ال Histotoxic مفيش أحمر من كده

ذا أكثر إحمراراً

طيب ،،

تفتكر ،، لو أنا أديت أوكسجين للأربع أنواع ،، أنا عايزك تفكر كده

لو إنت إدت أوكسجين للأربع أنواع ،، مين النوع الوحيد الي عنده كوباية الهيموجلوبين لسه فيها مكان

فهيستفيد لما أديله أوكسجين من بره؟؟؟

الحمد لله ،، النوع الوحيد في العالم الي هيستفيد من الأوكسجين الي هو النوع الأكثر شيوعاً

hypoxic hypoxia ال

بص كده على السطر الأخير في الورق ،، لو أدت أوكسجين ليهم كلهم

الي ذائب هيزيد ،،

الوحيد اللي هيزيد عنده ال chemical form أول نوع

يا حبيبي إحنا مش بنقول حاجات غريبة ،
إنت اللي جاوبت
اللي عنده مكان فاضي ، لما تدي أوكسجين يعرف يشيل

مين اللي عنده مكان فاضي فيهم ???

hypoxic hypoxia ال

طبيب ،
قبل ما نقلب من الورقة دي ،
الحصة اللي فاتت أنا وعدتكم وعد ، إني أقولكم ليه ال Peripheral chemo receptors بتشتغل بنقص الأوكسجين tension
ليه مش ال content
وعدتكم أقولكم ليه ربنا عملها كده

**إنت عارف مين في الأربع أنواع اللي فيه ال oxygen tension واطي ??? بص عليهم كلهم كده
مين في الأربعة ??**

hypoxic hypoxia ال

وهو النوع الوحيد اللي هيستفيد من الزيادة ، لأنه اللي عنده مكان فاضي على الهيموجلوبين

يا أولاد ،
لو كان نقص ال oxygen content (اللي هو على الهيموجلوبين)

هو اللي بينشط النفس
كان العيان بتاع ال anemic ، نفسه زاد

بس هل يستفيد حاجة ???

هيزيد عنده اللي ذائب

بقا معقولة ، أصرف خمسين جنيه ، عشان أكسب في الآخر ربع جنيه !!! يزيد ليا اللي ذائب ☹

النوع الوحيد اللي هيستفيد من زيادة النفس
هو النوع اللي عنده مكان فاضي على الهيموجلوبين

هو دا ال hypoxic hypoxia

عشان كده ربنا خلي النفس يزد << بس بنقص ال oxygen tension
لأن هو دا البني آدم اللي هيستفيد لما نفسه يزد

النوع الوحيد اللي هيستفيد من زيادة النفس ، هو النوع الوحيد اللي اشتغل به ال Peripheral chemo receptors
أصلها بتشتغل بنقص الأوكسجين tension
وليس content

ندخل في الأمور السهلة بقا إن شاء الله

أعراض ال hypoxic hypoxia

دا النوع الخامس،

إشمعنا هشرح ال Hypoxic hypoxia؟؟؟

لأن هو دا الأكثر شيوعاً في العالم

ال Hypoxic hypoxia دا

في المثال بتاعنا فوق المرتفعات (high altitude)
كلمة symptoms يعني أعراض << شكوى المريض (بيشتكي بيايه ؟؟)

الأعراض هنا يا أولاد بتعتمد على أربع حاجات ،

- أولاً يا ترى الأوكسجين نقص عن الجسم بسرعة ولا على مهله (ال rate)
- ال severity
- ال duration (قاعد ناقص أد إيه ؟؟)
- ال site (مين المكان اللي نقص عنده ؟؟)

أعراض ال hypoxic hypoxia بتعتمد على أربع حاجات : وخلي بالك من الترتيب ده

- ال severity (يا ترى الأوكسجين نقص أد إيه ؟؟؟)
- قعد ناقص أد إيه عن الجسم قبل ما نعالج العيان ؟؟ ال duration
- ويا ترى لما نقص كان نقص بسرعة ولا واحدة واحدة فالجسم اتعود ؟؟؟ ال rate
- ومين المكان اللي نقص عنده الأوكسجين

تفتكر لما يسألوك في الشفوي

مين أكثر مكان هيعاني لو نقص الأوكسجين عن الجسم ؟؟

ال brain حطه في دائرة

ال brain دا ال most sensitive

هحكليك بقا 3 قصص تفهم أعراض ال hypoxic hypoxia

القصة الأولى ، الأوكسجين فجأة نقص ، مكتوب عندكم sudden severe

الناس اللي راكبة طائرة ، مكتوب عندكم في الإرتفاع 30 ألف قدم ، الضغط مش عارف 20
لأ دي طائرة علطول

الناس اللي راكبين طائرة ، فجأة الكابينة اتفتحت ،

هو ده ال sudden severe hypoxia

30 ألف قدم (وعلى فكرة أنا بعيب على الكتاب ، بره بيتكلموا بال foot ، فالعيل في الإبتدائي عارفه ، هناك مبيشتغلوش بالمتري)
من الآخر يا أولاد المتري عبارة عن 3 feet
تمام كده ، بينا وبين بعض

يعني ال 30 ألف قدم ، يعني 10 آلاف متر

طيب ،

الكابينة بتاعت الطائرة فجأة فتحت ، إنت عارف بينهوا علينا في الطيارات قبل ما نركب ، كل مرة يقولك خلي بالك ،

الطيار الي معنا مُدَرَّب ،،

وإحنا إيش عرفنا مدرب ولا مش متبيل ؟؟؟!!

المهم ،،

لو الكابينة اتفتحت ،، هينزلك الحاجات الصغيرة دي تحطها على وشك ،، (ال masks بتاعت الأوكسجين يعني)

بس مبنشوفهاش الحقيقة الحاجات دي

يقولك : خلي بالك ،، حطها الأول ليك ،، ولو معاك عيل خليه للأخر

إنت الأول

إشمعنا إنت الأول وبعد كده العيل ؟؟؟

بص يا سيدي ،،

إنت عارف لو ضغط الأوكسجين وطبي فجأة ،، محطتش البتاعة دي ،، الأوكسجين تظبطه بسرعة

خلال 15 ثانية تدخل في coma

ربع دقيقة

خلال 5 دقائق ،، يتوفاك الله

مكتوب عندك الأرقام في coma < 15 seconds

في die < 5 minutes

أقولك : ليه إنت بتحط الأول ؟؟؟

معندكش وقت يا بابا

إنت أول ما الطائرة يحصل مشكلة ،، وضغط الأوكسجين يوطى مرة واحدة

معندكش إلا ربع دقيقة وهتفقد الوعي ،،

تخيل بقا الربع دقيقة دي ضيعتها في إيه ؟؟؟

إنك تجيب العيل وتحطها على وشه ،، والواد شايف إنك بتحطله و إنت مش حاطط

يقوم شايلها ☹️

على بال ما أقعد أحط ويشيل ،، أكون روحت في داهية

الأول نضمن إن واحد صاحي ،،

وإنت بعد كده هتأخذ الواد قلمين في الطائرة هيصحي معاك ☺️

فإنت الأول وبعدين الواد الصغير

إن شاء الله متشوفهاش

يبقا القصة الأولى كانت sudden severe

تعالوا بقا للقصة الثانية ،، rapidly progressive

واحد سمع إنهم بيطلعوا قمة إيفرست ،، (على فكرة إرتفاع إيفرست للمعلومات العامة ،، رقمه حلو ☺️ شهر فبراير 28 ،، زيرو ،، 29

دا إرتفاع إيفرست)

واحد سمع إن هو الي نجح في الصعود لإيفرست ،، كانوا بيأخذوا من ستة إلى 8 أسابيع في الصعود

على فكرة دول الي نجحوا

عارف ليه من 6 إلى 8 أسابيع ؟؟؟

لأن هو دا الزمن اللازم لتكوين الكرة الحمراء

عشان كراتهم الحمراء تزيد وهما طالعين واحدة ،، يبقا عندهم أوكسجين كفاية
أحد الطرق للتأقلم مع المرتفعات ،، الكرات الحمراء بتزيد

واحد قالك : لا ،، من ست إلى ثمان أسابيع دي كتير ،،
ابتدى هو مع نفسه ،، يجري أسرع على إيفرست ،، عايز يحصل ويضرب الرقم القياسي
مع إنها مش هتيجي أقل من كده

مكتوب عندكم ،، اللي يطلع rapidly progressive
الإرتفاع من 18 إلى 25 ألف قدم ،،
الي هو ضغط الأوكسجين من 25 إلى 40
مكتوب عندكم تظهر عليه أعراض واحد شارب خمرة (alcohol intoxication)

يا سلام !!! يعني اللي يطلع إيفرست بسرعة
قبل ما يكمل لفوق كأن واحد شارب خمرة
اتفرج على الأعراض بقا ،، دا عمل دماغ ☹️

أولاً اقرأ عشان الترجمة ،،
ال euphoria ،، مبسوط ،، أنا جدع 😊
أيون طبعا ما هو طالع إيفرست يبقا جدع ،،
euphoria يعني مبسوط

slurred speech يعني كلام متلعثم
الجماعة الي شاربين خمرة ،، تلاقيهم في الأفلام مش عارف ينطق

يحصله شوية drowsiness << دوخة
تلاقيه داخ كده الي شارب

decrease mental judgement
حكمه على الأمور يختل
يستعبط بقا ويحط إيدته في جيب الي جنبه ،، ويأخذ محفظته
مش عارف رأسه من رأس صاحبه ،، بيستعبط

headache
يعني صداع

nausea
يعني غثيان ،، واحد حاسس إنه هيرجع
نُوزيا ،، أو نُوشيا ،، بينطقوها كده أو كده
حاسس إنه هيرجع

طبعا إنت لو طالع مع أخينا ده ،، ولحقت نفسك بالأوكسجين ،، وشايفه كده وهو قاعد مبسوط
تشوف شكله عامل زي الي شارب خمرة

لو تركته يموت منك
دا يحصله coma and death
لو ملحقنوش بسرعة بالأوكسجين

coma
يعني غيبوبة
على فكرة النوع ده بيسموه مرض الجبل
mountain sickness

تعال بقا للنوع الثالث ،، ودا اللي هتشوفه بإذن الله في المستشفى مع العيانيين
إن ال hypoxia هنا بتكون slowly developing
هنا العيان اللي ضغط الأوكسجين من 40 إلى 60 زيها زي اللي طلع إرتفاع من 10 إلى 18 ألف قدم
فيه أعراض إجهاد شديدة

العيان اللي هيجيلكم في المستشفى ،، اللي جاتله ال hypoxia واحدة واحدة ده
مكتوب عندك ال G.I.T. فيه شوية حاجات
إيه ال G.I.T. ده ؟؟؟
ال gastro intestinal tract
مكتوب عندكم إن العيان بيكون عنده anorexia يعني فقدان شهية
vomiting و nausea
حاسس إنه هيرجع ويرجع

شوف ،،
لو أنا جاي من بيتنا أقولك : الأعراض كده وأمشي ،،
ما أنت هتنساهم
تعال أفهمك ليه حصل كده في الناس دول
ليه الناس اللي عندهم أمراض في الرئة ،، عشان لما يجوا ليك في العيادة إن شاء الله تبقا فاهم
دائماً اللي عنده مرض في الرئة ،، وحصله hypoxic hypoxia في جسمه
يقولك : أنا مليش نفس للأكل ويرجع كثير

الحقيقة يا أولاد ،،
الصورة دي صورة رائعة من صور التضحية في الجسم
القناة الهضمية بتضحي بنفسها ،، ال G.I.T. بتضحي بنفسها

ال G.I.T. بتقول ،، أنا لو اشتغلت هأخذ أوكسجين
ودا على حساب ال brain
فأنا مش هستغل ☹️

أخينا ده هسد نفسه ،، عشان مياكلش والأكل لما يكون جوا هيضطرب يشتغل
ولو كان فيه أكل هيطرده على بره

يبقا العيان هنا فهمنا فيه ،، هيبقا عنده anorexia و nausea و vomiting
عشان القناة الهضمية متستهلكش أوكسجين أكثر
توفره لل brain

الباقى سهل ،،
العيان ده ضربات قلبه سريعة
وعنده ال C.O.P. عالية

إيه ال C.O.P. دا ؟؟؟؟

cardiac output ال
وضغطه عالي ونفسه سريع

لأن دول عندهم ال oxygen tension واطي
ودا بيشغل أنهى chemo receptors ؟؟؟ central ولا peripheral ؟؟؟
peripheral

آخر حاجة يا أولاد هنقولها في ال hypoxic hypoxia

oxygen therapy

العلاج بالأوكسجين (oxygen therapy)

يعني إيه therapy ؟؟؟

treatment ،، يعني علاج

طيب ،،
ركز معايا ،، عشان أقولك إزاي إنت ممكن تطلع بمعلومات قوية ،،
إحنا قولنا في الأربع أنواع من أنواع ال hypoxia من النوع اللي هيستفيد بعلاج الأوكسجين ؟؟؟
ال hypoxic hypoxia

الطالب كده ينجح ،،
تعالوا نخش شوية في أغوار ال Hypoxic hypoxia وأسبابها الخمسة
حد فاكّر أسباب ال hypoxic hypoxia من بره لجوا ؟؟؟

- أول احتمال لل Hypoxic hypoxia ،، نقص الأوكسجين في الهواء
- الإحتمال الثاني ،، الرئة هي اللي مش عارفة تأخده ،، hypo ventilation
- الإحتمال الثالث ،، الأوكسجين مش عارف يعدي ،، alveo-capillary block
- الإحتمال الرابع ،، الأوكسجين عدى ومفیش دم متظبط على أده ،، فيه لخبطة في V/P (ventilation perfusion ratio)
- الإحتمال الخامس ،، كله كان كويس ،، بس حصل خيانة ،، اللي هي ال shunt ،، من ال venous لل arterial ،، زي الثقب في القلب ،، فيه ناس عندهم ثقب في القلب

أنا راضي ذمتكم ،، واحد فوق جبل إدينا فيه أوكسجين ؟؟؟

يخف

واحد عنده مرض في الرئة إديتله أوكسجين ؟؟؟ يخف

واحد عنده ال membrane تخن ،، ال alveo-capillary block إديتله أوكسجين ؟؟؟
يخف

إمها واحد عنده لخبطة في ال Ventilation perfusion ،، إيه قيمة الأوكسجين اللي هتديه ؟؟؟
ما هو هيعدي ،، مفيش دم

ولا واحد عنده خرم في القلب ،، عمال تعديله أوكسجين ،، والخرم موجود ما بين ال venous وال arterial
يبقا الحقيقة ،، مش كل ال hypoxic hypoxia بتستفيد من الأوكسجين

تقوم تقرأ وتشوف الدقة ،،

اقرأ شوف إيه اللي مكتوب

الأوكسجين مفيد في مين ؟؟؟ benefacial يعني مفيد

- ال hypoxic hypoxia في أسبابها الثلاثة الأولى
- المرتفعات
- ال hypo ventilation

يفيد كمان في عيادين ال CO poisoning

اللي هو anemic hypoxia

هنعرف الناس المخنوقة في الحرائق ،، بديلها أوكسجين

الأوكسجين بيكون Less benefacial في مين ؟؟؟

- ال hypoxic hypoxia ،، بسبب ال shunt
- أو بقية ال anemic وال stagnant

الأوكسجين مش benefacial خالص في حالة

Histotoxic hypoxia

ملهاش قيمة

مهما حاولت بالأوكسجين معندكش أمل

أنا عايز أوصلكم مش إن hypoxic hypoxia والسلام

شغل مخك في الخمس أسباب بتوع ال Hypoxic hypoxia

مين في الأنواع الخمسة اللي مهما أديله أوكسجين مش هينفع ؟؟؟

اللي معندوش ventilation perfusion مضبوطة

أو اللي عنده shunt

طبيب ،،

عارف العنوان اللي جاي إيه ؟؟ اقرأ

oxygen toxicity

الناس بتسمع أثناء الشرح ،، عمال يقولنا عن سر الحياة ،، مية وهواء

مية وأوكسجين ،، يبقا الأوكسجين دا حلو

زيادة الخير خيرين ،، عبي (املأ يعني) العيان أوكسجين ولا يهملك
اديله أوكسجين بس ،،

الأوكسجين حوالينا تركيزه كام ؟؟؟

قول 20 والباقي نيتروجين ،، ومفيش CO₂ تقريباً

إنت عارف لو إدبت أوكسجين 100 % للعيان
يعني مفيش نيتروجين خالص

الإسطوانة دي مية في المية هديهاله ؟؟؟
أه

ما على فكرة فيه إسطوانات عندنا فيها أوكسجين 50 % وفيه 95 % وفيه 100 %
كل واحدة وليها ظروفها ،،
خلينا في ال 100 %

إنت عارف لما تدي أوكسجين 100 % للعيان ،،
جوا جسمه تعالى ال O

إيه ال O دي ؟؟؟

oxygen free radical

إنت عارف الأوكسجين اسمه O₂
ال O دي بس اسمها oxygen free radical

طيب ما تعالى ؟؟؟

(إيهوشن مخضوض) دي مكتوبة قصادك ،، دي بتبوظ ال cell membrane بتاع الخلايا
وبتبوظ الإنزيمات

ال free radical دي لو كترت ،، تبوظ ،،
دي تبوظ ال C.N.S. في الآخر
مخ العيان ييبوظ

أقولك حاجة ،،

إنت عارف لو إنت عندك عيان في المستشفى ،، حطيتله ال mask ده على وشه ،، 100 % أوكسجين
لمدة من 8 إلى 12 ساعة
نص يوم يعني ،، 100 %
تلاقي العيان ابتدى يحصله irritation لل upper passages

طبعاً إنت معندكش فكرة عن الفسيولوجي بتاع زمان ،،
وتلاقي العيان ساعات بيكح ،، وإنت ولا في بالك
وتركت العيان على الأوكسجين لتاني يوم
(24 ساعة ل 48 ساعة)
ال Lung باظت

تتصور إن ال lung كلها تبوظ ،، ال alveoli والحاجات الحلوة كلها تبوظ
بال free radicals
يبقا خليك منتبه ،، أحلى أوكسجين ومفيش خوف منه ،، بتاع ربنا ده العشرين في المية

إنت عارف لو المية في المية دي كانت مفيدة ،، وأحسن لنا
كان ربنا عمله مية في المية يا أخي
وكان ظبط الكون ،،

فيه مشكلة كمان في الأوكسجين في العيال ال pre mature
ال pre mature !!!!
غير مكتمل النمو

كان فيه مرض جنبنا سيرته في العيال دول قبل كده
ال hyaline membrane disease
إنت عارف العيال دول مشكلتهم نقص مين ؟؟؟
ال surfactant
فبنعالجهم ،، بندي surfactant ،، بنقلهم surfactant
وبنديلهم كورتيزون

أحياناً دكتور مغفل ☹
ودول كُتار للأسف (إن شاء الله متكونوش منهم)
دول معلوماتهم مسطحة ،،
يحييله العيل من دول الي هو ال Pre mature
مولود في البيت ولا حاجة ،، وجايينه بسرعة على المستشفى ،، وهو واقف لوحده في الإستقبال
وجنبه الأوكسجين ،، وهو الرئيس بتاع القاعدة

لقي الولد نفسه مخطوف كده ومش قادر ،،
ما هو دا ال respiratory distress syndrome
ال surfactant مش موجود والرئة مطبقة
يحطله الإسطوانة دي ،، أوكسجين ويقول هيقا زي الفل

الولد ده بعد كده هيقا زي الفل متقلقش ،، ما هيحيله بعد كده دكاترة الأطفال ويلحقوه بكورتيزون ويدوله surfactant
بس هيكمل حياته أعمى !!!!
اقرأ كده شوف العيال دول بيحصلهم إيه ؟؟؟
Retrolental fibroplasia
دا من الأوكسجين الي إنت اديته ☹

retro يعني ورا
behind يعني خلف

lental يعني Lens ،، خلف العدسة بتاعت العين

هـيـحـصـل fibrosis في الشبكية
تليف في شبكية العين
على الناحيتين ،، بسبب ال oxygen وال free radicals

العيال دول غير مكتملي النمو ،، ميستحملوش ال oxygen الكثير (مية في المية) حرام عليك
دا لو عايز تديله ،، تديله مثلاً حاجة 20 % ،، حاجة زيادة عن الجوب 2 على أده يعني

فيه مصيبة ،، أعلى من 100 %

حاجة اسمها Hyper baric O₂

يعني مضغوط ،، يعني مش مية في المية وضغط جوي واحد
لا ،،

عمّال تُحشّر الأوكسجين جوا صدر العيان

تتوقع بمحك ،، الأوكسجين ال Hyper baric يدي الأعراض اللي قولناها دي ،، اللي هي الكحة ،، والرئة تتدمر ،، أسرع ولا أبطأ ؟؟؟
أسرع ،،

مكتوب عندكم كل الأعراض اللي فوق ،، بس أسرع

early onset

تظهر بدري ،، وال C.N.S. يبوظ بدري

والعيان تظهر عليه أعراض ال Hyper baric على ال C.N.S. ؟؟؟؟

twitches يعني رعشة

dizziness يعني دوخة

رعشة ودوخة

convulsion يعني إيه ؟؟؟

تشنجات

الرعشة دي أمرها سهل ،، بيتزعش
إمّا التشنجات دي حاجة جامدة أوووي

ممكّن يخش في coma

اللي هي فُقدان الوعي

أقولك حاجة يا بني ،، بره الموضوع
عندنا مشكلة ،، مش عارف الظاهر هنا عشان المعامل بتاعتنا مش سريعة أووي في المستشفيات

فمهتمناش بال electrolytes

يعني إحنا ،، بيموت معظم العيانيين منّا في الحقيقة ،، لما بيتلخبط البوتاسيوم والصوديوم والكلور والحاجات دي

برا ،، ليه ممكن يلحقوهم ؟؟؟

عندهم المعامل كل عشر دقائق بتديهم النتيجة علطول ،، بتاع الصوديوم والبوتاسيوم والكلور والكلام من ده

فيتعامل وإزاي يزود ده وإزاي يقلل ده

لكن ،، هنا بقا ،، على بال ما العيان بيعت التحليل في المعامل بتاعتنا في المستشفى وإحنا بنتكلم على حته راقية أوووي القصر العيني

شغل محترم ،
على بال ما نبعت للمعمل ، والأستاذ الي هيجلل يخلص الساندويتش الي معاه الأول
ويلبس الشبشب بتاعه ، ويقوم يحلل ،
يقوم العيان مات في السكة

فإحنا عندنا مشكلة في ال electrolytes
فال coma ، اعتبروه مات
إلا إذا كان حد متوصى عليه وجنبه حد محترم

موضوع مهم الأزرق والأحمر

Cyanosis (6)

اكتب على الورقة بتاعت الأزرق ، نظري مهم
وسؤال 6 ،
السؤال هنا ست نقط

تعريف ال cyanosis ???

3 جمل

أول جملة لون أزرق

bluish discoloration
mucous membrane و skin

واحد يقول : الله ، لو الحبر وقع على إيدي ، بقا لونه أزرق أهو ، دا cyanosis برديو
هلحقلك بتاني جملة في التعريف
سبب اللون الأزرق ، reduced hemoglobin
هو دا المركب الأزرق في دمك

إخوانا في الأناتومي ، علمونا إن ال artery وال vein
جدارهم تخين

مش هشوف لون الدم من خلاله

مين الجدار بتاعه thin أقدر أشوف لون الدم من خلاله ???

الcapillaries

عشان كده يا أولاد ، إحنا بندور على اللون الأزرق في العيانيين في الحتت الي فيها الجلد رفيع
بنشوف ال capillaries تحتها

فيه طالب متخيل ،

إن العيان هيدخله لونه أزرق ، أزرق في أزرق

ويقول : **أيون هو دا ال cyanosis**

الزرقان دا ببيان في الحتت الي تقدر تشوف فيها ال capillaries

فين ???

هعلمها لك للحياة ،

تحت الأظافر ،، nail bed

بنبص تحت أظافر العيان

الأذن ،، ear lobule

الجلد هنا رفيع ،، تشوف ال capillary ممكن تشوف الأزرق اللي جواه

الشفاف ،، Lips

ونخله يقلب لسانه ،، يقلب ال tongue

اللسان من تحت

أدي الأماكن اللي بيتشاف فيها اللون الأزرق
مش العيان الأزرق وتلقطة وانت راكب الأتوبيس

أيون الأزرق كان معدي وإحنا راكبين الأتوبيس

مش كده يا بابا

يبقا تعريف ال cyanosis ،، 3 جمل :

كل جملة ليها قيمة وعليها ثمرة

- لون أزرق ،، كده مخدتش حاجة
- نتيجة reduced hemoglobin
- اللي جوا ال capillaries

عشان كده ،،

تدور على الأزرق في أربع حتت ،، **فين بقا ؟؟؟**

- nail bed ،، واحدة
- ear lobule ،، كده رقم اثنين
- Lips ،، كده ثلاثة
- تحت ال tongue ،، كده أربعة

حد فاك ال threshold بتاع الزرقان كام ؟؟؟

5 جرام ،، reduced hemoglobin ،، في 100 سم دم

طيب ،،

تالت نقطة ،،

الزرقان يا بيقا في كل الحتت اللي أنا قولتها ،، أو ممكن في حته واحدة

أقولك دلوقتي إزاي تيجي في حته واحدة ،،

يبقا الزرقان يا generalized ،، يا Localized

أسباب الزرقان النقطة الرابعة ،،

إحنا خدنا نوعين hypoxia فيهم لون أزرق

- hypoxic hypoxia

إمّا ال Hypoxia نقص الأوكسجين
سهلة كده إن شاء الله

يبقا الأسفكسيا دي الحاجة العامة ،،
الكلام ده ساعات يسألوا فيه في الشفوي ،، وتخيّل بقا فيه كتير ميجابوش ☹
وبعدين يزعل إن الممتحن ناقصه شوية مُر

واحد مش عارف الفرق !!!
هو يدبك مُر على إيه !!! طيب قول حاجة
في الآخر الممتحن يقوله : إنت مذاكر إيه وأسألهم لك ☹

وتلاقي الطلبة تفكر مش لاقية بردو ☹
الممتحن هيعمله إيه طيب !!!

خامس حاجة ،،

يا ترى إيه ال factors اللي تأثر في الزرقان ???
خلي بالك إحنا قولنا ال definition (التعريف) ،، وال threshold ،، وأنواعه ،، وأسبابه ،، والخامسة ال factors
أنا عايزك وإنت بتذاكر ال factors
اسأل نفسك هذا السؤال ،، قول : ما هو ال cyanosis
عشان دي اللي هتحل ليك الموضوع

ما هو ال cyanosis ???

دا لون ال reduced hemoglobin في ال blood
اللي جوا ال capillary
وأنا شايفه من خلال ال skin

هما دول ال3 مجموعات factors اللي هتأثر معاك في ال cyanosis
حاجات في ال blood
وحاجات في ال capillary
وحاجات في ال skin

تاني ،،
ليها طريقة ،، الطالب أحياناً يببقا نفسه حد يفكره بال3 عناوين وهو هيجابو
إسأل نفسك سؤال ،، **ما هو ال cyanosis ???**
لون ال blood جوا ال capillary أنا شايف من خلال ال skin بتاع العيان

يبقا حاجات في ال blood
حاجات في ال capillary
حاجات في ال skin
أدي ال3 مجموعات factors

طبيب «

تعالوا نبتدي بالskin

إيه اللي في الجلد اللي هياثر؟؟؟

تُخن الجلد «، الthickness

أنا قولتلك : لما جينا ندور على ال cyanosis

نقينا تحت فيها الجلد رُفيع

اللي هي كانت فين؟؟؟

• ear lobule

• nail beds

• lips

• تحت اللسان

مش كده «

لون الجلد يفرق «، الpigmentation

طبعاً اللي جلده أصفر كده شوية زي حالتي «، مش هيبان اللون أوووي

غير مع واحد أبيضاني كده وحليوة

اللون بيان

يبقا «، تُخن الجلد

ولون الجلد

طبيب «، حاجة في الcapillary

يقولك : لما يحصل vaso constriction مع البرد

الدم هيبقا راكد هنا في إيديك

stagnant hypoxia

تبتدي أطراف إيديك تزرُق «، وفيه بعضنا في البرد يلاحظ إن إيديه ابتدت تزرُق شوية في الأطراف من البرد

وإحنا الحرارة بتاعتنا هنا 5 «، ولا 6 تلاقي الأطراف ازرقّت

مقتنع بالكلام ده !!

طبعاً تبتدي تفكر «، أومال الجماعة اللي عايشين في الإسكيمو بقا «،

آخر الدنيا فوق «، يوم ما ربنا يكرمهم بسالب سبعين

يبقا يوم زي الفل

مش زمان إيديهم إزرقّت «، دا زمان إيديهم وقعت أساساً

من ال vaso constriction

لا «

متخافش «، ربنا لم يتركهم

إنت عارف إن البرد الشديد أه بيوجع «، في البرد الشديد فعلاً الواحد حاسس إن إيديه واجعاه

بس البرد الشديد بيعمل reflex vaso dilatation

الناس دول بتبقا إيديهم حمراء أووي في البرد الشديد

حاجة غريبة «

هنا الزرقان بيان مع ال vaso constriction العادي
مش مع ال severe
لأن ال severe يعمل reflex vaso dilatation

طبعاً ،، سالب 70 ،، والكلام ده عادي جداً
كنا في كندا ،، والكلام كان عندهم سالب خمسة وثلاثين ☹
إنت عارف سالب 35 يعني يمكسك الثلج يدفي بيه

ربنا معاهم ،،
أنا قاعد هنا في الدفا

يبقا البرد الشديد ،، مبيعملش زرقان
يعمل reflex vaso dilatation

طيب ،،

حاجات في الدم بقا

تفتكر كل ما زاد ال reduced hemoglobin ،، يحصل إيه في اللون الأزرق ؟؟؟
يزيد

طيب ،،

واحد أزرق ،، واتخنى كمان في حريقة ،، يعني بقا عنده كمان caboxy hemoglobin (دا لونه أحمر)
الزرقان عنده يقل شوية ،، بس هيموت مخنوق

طيب ،،

واحد أزرق ،، حصله lipemia ،، دهون في دمه
تخلي واحد أزرق ،، زبدة (دهون) زادت في دمه
ولا ال bilirubin (مادة الصفرا) زادت في دمه
يبتدي اللون يغير معاك ،، يدك على بني ولا حاجة

عارفين ال Lipema يعني إيه ؟؟؟

emia يعني دم
lipid يعني دهون

و bilirubin يعني البيلورين بتاع الصفرا

آخر نقطة في إجابة السؤال بتاع ال cyanosis
هل ال hypoxia وال cyanosis ماشيين hand ب hand
يعني يا مع بعض ،، يا مش مع بعض ؟؟؟
لا ،،

مكتوب عندكم ،،

not parallel حطها في دائرة

و3 أدلة ،،

مش لازم ال hypoxia وال cyanosis مع بعض
إنتوا عندكم أول دليل إن فيه نوعين Hypoxia مفاهيمش زرقان

اللي هما مين و مين ؟؟؟

- ال anemic
- وال histotoxic

طيب ،،

أنا عندي بقية الأدلة ،،

خلي بالك معايا لو سمحت

تخيل عندنا عيان في المستشفى ،، عنده مرض في الرئة ،، أنهي نوع من ال Hypoxia ده ؟؟؟

hypoxic hypoxia

عنده مرض في ال lung يبقى hypoxic hypoxia

اللي هو العيان عنده hypoxia ،، أزرق ولا مش أزرق ؟؟؟

أزرق

مش ال Hypoxia كان العيان أزرق

طيب ،،

تفتكروا لو المريض ده بتاع الرئة ،، اللي عنده Hypoxia و أزرق ،،

ابتدى ينزف لأي سبب ،، اتعور ،، حصله hemorrhage

العيان ده دلوقتي لما ينزف ،، يفقد الهيموجلوبين بشقيه في دمه

يعني العيان ده بيقل في دمه دلوقتي ،، ال oxy hemoglobin ،، و يقل كمان ال reduced hemoglobin

ما هو اللي بينزف ده ،، بيضيع منه كل حاجة

طيب ،،

شغل مخك معايا لو سمحت ،،

يبقا العيان دا بعد ما نزف ،، لما ال oxy hemoglobin عنده ينقص زيادة

يحصل إيه في ال hypoxia بتاعته ؟؟؟

تزيد

طيب ،،

ولما ال reduced hemoglobin ،، ينقص من دمه

ودا المركب الأزرق ،، يحصل إيه في الزرقان بتاعه يزيد ولا يقل ؟؟؟

يقل

كنا زمان ،، عندنا في المستشفى ،، كنا حاطين قسم للأمراض الصدرية جنب أمراض نفسية

كان العنبر تخش قسم أربعة ،، مشهور بتاع الأمراض النفسية

كان نص القسم ،، أمراض نفسية ،،

والنص الثاني، «أمراض صدرية (التي هما عندهم Hypoxia و cyanosis دول)

كانوا زمان بيقدمو اللب للعيانين ،، على أيامنا في زجاجات (زجاج)
بدل الأكياس الجديدة دي
كان زمان أوووي الزجاجات

في يوم حصلت خناقة ما بين الناجيتين ☹️
دا واحد من بتوع أمراض نفسية ،، رقع إزاجة (زجاجة يعني) في دماغ واحد من بتوع صدرية
نزف بتاع الصدرية ،،

العيان بتاع الصدرية الزرقان بتاعه حصله إيه أول ما نزف ؟؟؟؟
قل ،،

زمايله في العنبر افتكروا إنه خف على كده ،،
أنا مبعالجش اللون ،، أنا يهمني ال hypoxia
زرقان إيه !!!

فزمايله افتكروا إن بتاع النفسية كده خففه ،،
لا ،،

عنبر أربعة ،، دا نصه طلبة في كلية طب أساساً ☺️

طيب ،،

عندي دليل ثاني ،،

لو أي حد فيكم ،، مش إنت شخص Normal

تعال اطلع فوق جبل ،، High altitude

ما هو دا المثال ،، كان أول سبب لل hypoxic hypoxia

نقص الأوكسجين في ال inspired air

أول ما تطلع فوق الجبل ،، يحصلك hypoxia و تزرق حبة

فعلاً ،، فوق الجبل هيحصلك كده

أول ما تطلع ،، اسمها Hypoxic hypoxia

خلال 6 إلى 8 أسابيع ،، علمتك ،، الكرات الحمراء بتزيد معاك

يقوم الهيموجلوبين هيزيد بشقيه

ال oxy hemoglobin وال reduced hemoglobin

يلا كده ،،

ركز معيا ،، تفتكر لما ال Oxy hemoglobin يعلى ،، يحصل إيه في ال hypoxia بتاعت العيان ؟؟؟

تقل ،، تمام كده

وال reduced hemoglobin لما تزيد يحصل إيه في الزرقان فوق الجبل ؟؟؟

يزيد

يبقا اللي عايز أوصلك ليه ،،

إن الأثنين مش ماشيين مع بعض

وعايز أقولك الجملة التاريخية بقا ،،

Cyanosis is nothing, but just a color

دا مجرد لون ،،

إحنا مبعالجش العيانيين عشان نخفف الزرقان ولا نزود الزرقان

إحنا بتعالج ال hypoxia

العيان مش هيموت لأن لونه أزرق ،،

إمها هيموت من ال Hypoxia

cyanosis is nothing, but a color

دي مجرد لون

فهمت

يعني أنا مبعالجش العيان في المستشفى باللون

ما أنت شايف أهو يا أخي ،، دي لما ال hypoxia قلت الزرقان زاد

قال لما الزرقان بزيد حالة العيان بتتنيل !!!! لا ،،

إنت بتعالج ال Hypoxia

الصفحة الأخيرة من المذكرة ،، شفوي ،،

Red Hypoxia

لونه أحمر ☺

لو سألت واحد في الشارع ،، واحد مات مخنوق ،، هيكون لونه إيه تفتكر ؟؟؟ هيقول إيه ؟؟؟

هيقول : لونه أزرق

مش كده ولا إيه

إحنا بقا هنسألهم في الشفوي ،، و M.C.Q.

واحد عنده hypoxia ولونه أحمر ،،

فيه عندهم عنوان إسمه أسباب ال red hypoxia

لازم تقولي نوع من ال Hypoxia شرحناه قبل كده ،،

كان ال histotoxic hypoxia

مكتوب عندهم ال Cyanide مثال لل histotoxic hypoxia

دا يموت في أد إيه ده ؟؟؟

خمس دقائق

تعال بقا ،، أقولك : بتوع المخابرات بيلحقوهم إزاي

طبعاً في المخابرات معلمينهم ،، بيبقوا شايلين معاهم شوية حقن في شنطة صغيرة

النهاردا هقولك واحدة من الحقن ،، وفي سنة تانية هكملك بقية الشنطة إن شاء الله

يبقا عندك خلفية بردو ،، بتوع المخابرات العامة

الجماعة بتوع المخبرات بيعلموهم ، لما تيجي تقبض على واحد في المطار ، في أي حته والي هتقبض عليه راح باله حاجة ، متضيعش وقت ،
دا باله cyanide

يعني مش واحد يروح رامي حاجة في بؤه ، ونقعد نطبطب عليه الخمس دقائق ، اصحى بقا ②
لا ، بيلحقوه علطول بحقنة ،
الي بلع cyanide ، دي مش في الكتاب على فكرة ، علاج ال cyanide مش في الكتاب
بس هتتسأل شفوي

بيلحقوهم بحقنة ،

الحقنة دي بتعمل إيه ؟؟؟

حبة من هيموجلوبين العيان ، الي هو الحديد (ferrous)
الحقنة دي فيها عامل مؤكسد قوي (oxidizing agent) ، حبة من هيموجلوبين العيان يتحولوا ل ferric

مركب اسمه إيه ؟؟؟

met hemoglobin

حبة ، ال met hemoglobin دا يفضل يشبك (يمسك) مع ال cyanide الي الشخص ده بلعه
ويعملوا مع بعض مركب اسمه cyan الي هي أول حته من ال cyanide
met hemoglobin
(cyan met hemoglobin)
غير سام ، هينزل في البول بتاع العيان

كده بيقا أنقذناه ،

نطمئن على صحته ، يقعد معانا شوية ، لغاية ما يقر ونعده في الآخر

بره ، بره ، بيسمو الحقنة دي (لي هيخش معادلات وإمتحانات أجنبية لما يكبر إن شاء الله)
الحقنة دي اسمها حاجة كده مش عارف أسمها ②
العوبة بتاعت كيلى ، دي بتاعت علاج السيانيد
دي معروفة علطول

تاني واحد عنده Hypoxia ولونه أحمر ، الي بيموتوا في الحرائق بقا ،

CO poisoning ال

اكتب عليه نظري فقط

حد عارف أول أوكسيد الكربون بتاع الحرائق ، بيطلع إزاي ؟؟ إيه الي بيطلعه في الحرائق ؟؟؟ بييجي منين ؟؟؟
طيب ،

يا أولاد ، كل الدهانات فيها كربون ، كل الكراسي فيها ذرات كربون
هي ضمن تركيبها ، فيها كربون
يوم ما تحصل حريقة ، لو الكربون متحرقش على الآخر ، بيطلع غاز أول أوكسيد الكربون الي بيموت فعلاً

ليه أول أوكسيد الكربون بيموت ؟؟؟

تعالوا نفكر ، كان ليه 3 مشاكل ، 3 عيوب ال CO poisoning

أدي جزيء الهيموجلوبين أربع حثت «
شريط globin وقرص ferrous «
شريط وقرص « كل حثة من الأربعة فيها نفس المنظر « شريط جلوتين بروتين وقرص ferrous

الأوكسجين في الطبيعي متشال هنا على القرص ال ferrous
يلا بقا قولي :
ال CO « أول حاجة لأنه بيشبك في القرص مكان الأوكسجين ويعمل مركب اسمه carboxy hemoglobin

العيب الثاني «
إن الهيموجلوبين ذات نفسه يحب مين أكثر ؟؟
ال CO
كام مرة ؟؟؟
210 مرة

عشان كده تلاقي معظم الأماكن ركب عليها CO في العيان
وقولتلكم : لا منه ولا كفاية شره
ال CO يروح باصص على الهيموجلوبين كده « يقوله : الله « إنت كنت ماسك هيموجلوبينه في الأول « أوعى « تشبث «
لما الهيموجلوبين يمسك أوووي في الأوكسجين
علمتهالك « يعني ال curve يكون shift to the right ولا shift to the left ؟؟؟
shift to the left

بيقا ال CO إيه عيوبه ؟؟؟ إيه مشاكله ؟؟؟
• بيشبك في الهيموجلوبين
• الهيموجلوبين بيحبه 210 مرة عن الأوكسجين
• shift to the left و
وحط دائرة حوالين left

الناس يا أولاد اللي بيموتوا مخنوقين بقا في الحرائق « بيموتوا مخنوقين «
وفيه حاجتين غريبتين فيهم «
أولاً مش زرق « لونهم أحمر « لأن المركب اللي اسمه carboxy hemoglobin
مكتوب عندكم لونه cherry red
أحمر جامد أوووي

دول مبتين مخنوقين في الحريقة «
ولونهم أحمر

حاجة غريبة تانية
تلاقوها كتير أووي في الجرايد «
يجي يقولك إيه :
الراجل ومرآته والأربع عيال « كانوا قاعدين يدفوا في البيت « مولعين فحم
ومقفلين كويس « ناموا وسابوا الفحم مولع «

صبحوا الصبح ،، لقيوا الستة ماتوا خلاص ☹
الأب ومرتاته والأربع عيال
إيه دا !!!

دي حادثة مشهورة نزلت في الأهرام
كان شاب صغير ،، كان في رمضان
قبل السحور نزل يدور العربية شوية يسخنها في الجراج

إنت عارف فيه عادة في الشعب المصري ،، إن لما يحب يسخن العربية بشيل الغطاء
المهم ،،

الولد ده إيه اللي عمله في شهر رمضان ،، يعني الساعة 12 ،، ولا 1 بليل
نزل الجراج ،،
العربية عليها كسوة ،، فرفع الكسوة كده على جنب ودخل جوا العربية
وبعدين راح قافل الباب

نعس ونام والعربية دايرة
الكسوة قفلت الشكمان بتاع العربية من ورا عشان تكتمل الحادثة
ال CO اللي طالع من الشكمان ابتدا يملأ العربية من جوا
طبعا اتخنق ومات
CO poisoning

الغريب ،، إن الواحد يقول إيه ؟؟
يا ترى اللي يموت مخنوق ده ،، مش فجأة كده وهو نايم يحس إن نفسه مش قادر فيقوم ويطلع ؟؟؟
لا ،،

تصور ،، إن كل الناس اللي ماتوا مخنوقين ،، بغاز أول أوكسيد الكربون
لآخر لحظة في عمرهم ،، تنفسهم Normal
مش زايد

إنت عندك ال CO poisoning ،،
بيقلل الأوكسجين اللي متشال على الهيموجلوبين
يعني ال Physical ولا ال chemical ؟؟؟
ال chemical
واللي بينشط النفس عندنا كان اسمه نقص الأوكسجين tension الذائب

الجماعة دول الأوكسجين الذائب في دمهم Normal
يبقا نفسهم طبيعي

اللي ناقص عندهم الأوكسجين اللي متشال على الهيموجلوبين
عشان كده دول ميتين مخنوقين ولآخر لحظة نفسهم normal
ال Normal << respiration
Normal يعني No stimulation of respiration

تعال بقا لل treatment

إنت راجل دكتور في بيتكم بقا،، إن شاء الله لما تتخرج ،، معلق يافطة على الباب الملم ،، خبطوا عليك ،،

إلحق يا دكتور ،، ما هما عارفين من الياطة اللي بره ،،

العمارة اللي جنبنا فيها حريقة ،، فيه واحد لسه صاحي فيه نفس

تعال إلحقه ،، تعال معانا ساعدنا على بال ما تيجي الإسعاف

طبعاً ما دام لقطوا إنك دكتور ،، واستعانوا بيبك في حاجة زي كده

عندك احتمال من اتنين :

- يا إما من الأول تستندل ،، وقول لا ،، ودا حقك على فكرة ،، القانون يقولك : مش مستعد مش تخصصي ،، حقك
- إنما إذا روت معاه ،، مش هتتنقل إلا لما الإسعاف تيجي ،، حتى لو جت ثاني يوم ،، متقدرش تسبب واحد في النص

طيب ،،

نزلت معاهم ،، أول حاجة تعملها للراجل المخنوق دا إيه ؟؟؟

جره برا الأوضة ،، طلعه بره من المبنى ،،

جره من رجليه ،، مكتوب عندكم remove من ال atmosphere

لسببين :

- عشان تشيله من الجو اللي مليون CO
- وعشان متنمش جنبه ،، وتلاقي حد يدوروا عليه يساعدكم إنتوا الأتتين يعني نخش نلاقيك متسطح جنبه ولا إيه

فأول حاجة تطلعه بره ،،

خش عليه بقبلة الحياة ☺ ،، artificial respiration

هعلمهالكلم إن شاء الله الأسبوع اللي جاي

لو منفعتش ،،

ما إنت هتفضل شغال معاه قبلة الحياة دي لغاية ما الإسعاف يجي

ساعة ،، اتنين ،،

لو تركته في النص ،، ممكن حركة زي دي تسحب منك كاريه ممارسة المهنة ثاني

مش هتشوفه ،، يعني تشتغل ممرض بعديها ،، لو عملت حركة زي دي وتركته

هتضطر تديله خليط ما بين ،،

خمسة وتسعين في المية oxygen وخمسة في المية CO₂

تفتكر ليه بيدلوه CO₂ ؟؟؟

عشان يعمل stimulation لل respiration

ال CO₂ اللي بديه للعيان ده ،، دوره بيخلي الهيموجلوبين يفك من ال CO

ويقلل ال affinity ما بين الهيموجلوبين وال CO

حلو ال CO₂

بينشط النفس ،، فالنفس بيزيد

ويقلل ال affinity ما بين الهيموجلوبين وال CO
ليه بيقلل؟؟؟ سؤال من أحد الدكاترة للدكتور ناجي
هو بغير الشكل أكيد ،، يعني ال configuration بيتغير

طيب ،،
أحياناً كل ده ميينفعش ،، فبنضطر نغير دم العيان في الآخر ،،
يبقا دمه مليون CO بقا
بنغيرله دم

الي مش مكتوب عندنا في الكتاب ،، إن الناس دول يا أولاد بعد ما بي فوقوا
العيان ده لازم يقعد معنا في المستشفى 7 ،، 8 ساعات وهو فايق
إشمعنا؟؟؟

بيحصلهم أعراض متأخرة
يعني أحياناً ال CO بيأثر على مخهم كده ،، بعد 7 ،، 8 ساعات يغمى عليه
فيبقا معنا في المستشفى

يعني مش معقولة واحد طلع عينيا ،، تنفس صناعي ،، وأنفخ في بؤه
وتندي أوكسجين ،، و CO₂
وفوقته ،، وتركته ينزل ،، داخ وهو سايق عربيته ،، مات في حادثة
ما كان مات من الأول ☹

يبقا دا لازم يقعد معاك في المستشفى ،،
وتقوله : إنت معنا سبع ،، تمن ساعات يعني
قالك : لا
فيه حاجة اسمها تقرير صغير ،، إمضي إن الخروج على ضمانتك إنت
احمي نفسك بقا
إنت خرجت ضد أوامر الطبيب ،، حقك ،، بس امضي على الورقة دي

أول ما يشوف ورقة هيمضي عليها
العيان هيقعد ☹
ولا نفس

إن شاء الله الحصة الجاية هنحكيلكم عن التنفس الصناعي

لله الحمد والمنة والثناء الحسن

تم الإنتهاء من تفريغ الشريط الثامن من شاتر ال Respiration للدكتور ناجي ،،
الساعة الواحدة و 19 دقيقة صباحاً يوم 26 أبريل 2013

لمزيد من المواد المفرغة
على الفيس بوك
صفحة تفريغ المواد الطبية

 /dr.tafreegh

www.facebook.com/dr.tafreegh

نحبكم في الله
إذا عجبك أي شيء متفرغ تابع لصفحة أو جروب
تفريغ المواد الطبية
وحبيت حضرتك تنقله افضل
بذكر المصدر أو بدون
المهم إن المعلومة توصل لغيرك
واحتسب إنك بتوصل معلومة لغيرك
وإن شاء الله لك من الأجر الكثير بإذن الله
ويكون في خدمة الإسلام
ويكون سبب في علاج مريض باختلاف اسمه أو جنسه أو دينه
اللهم اجعل عملنا خالصاً لوجهك الكريم
اللهم آمين
سلام بقا ☺